

ხელშეკრულება № 132/06
სახელმწიფო შესყიდვის შესახებ
(კონსოლიდირებული ტენდერი №CON130000008)

ქ. თბილისი

„6“ „მარტი“ 2013წ.

ერთის მხრივ, ა(ა)იპ ივანე ჯავახიშვილის სახელობის თბილისის სახელმწიფო უნივერსიტეტი შემდგომში - „შემსყიდველი“, წარმოდგენილი ადმინისტრაციის ხელმძღვანელის დავით ჩომახიძის, სახით და მეორეს მხრივ, შპს „რომპეტროლ საქართველო“ შემდგომში - „მიმწოდებელი“, წარმოდგენილი კომერციული დირექტორის თენგიზ ჭიჭინაძის სახით, ორივე ერთად წოდებული, როგორც „მხარეები“, ვმოქმედებთ, „სახელმწიფო შესყიდვების შესახებ“ საქართველოს კანონის 20² მუხლის, „ნავთობპროდუქციის (საწვავის) სახელმწიფო შესყიდვის კონსოლიდირებული ტენდერის საშუალებით განხორციელების შესახებ“ საქართველოს მთავრობის 2012 წლის 14 დეკემბრის N2025 განკარგულებისა და „ნავთობპროდუქციის (საწვავის) კონსოლიდირებული ტენდერის ჩატარების წესისა და პირობების დამტკიცების თაობაზე“ სახელმწიფო შესყიდვების სააგენტოს თავმჯდომარის 2011 წლის 29 დეკემბრის N25 ბრძანების საფუძველზე, ვდებთ წინამდებარე ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების საორიენტაციო ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.6. „საქონელი“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1. ხელშეკრულების საგანს წარმოადგენს „შემსყიდველის“ მიერ საწვავის შესყიდვა ეტაპობრივად 2013 წლის 15 აპრილის ჩათვლით.
- 2.2. საწვავის შეძენა განხორციელდება საწვავის ტალონებით ან/და პლასტიკური ბარათების საშუალებით, მხოლოდ იმ ავტომობილებისთვის და იმ რაოდენობით რაც მითითებულია ხელშეკრულების დანართში (დანართი N2 ლიმიტები და ავტომანქანების მონაცემები). ხოლო საწვავის მიღება განხორციელდება მხოლოდ ხელშეკრულების დანართით (ავტოგასამართი სადგურების სია დანართი N3) განსაზღვრულ ავტოგასამართ სადგურებზე.
- 2.3. საწვავის შეძენა განხორციელდება სითხის სახით, მხოლოდ იმ საწვავგასამართ სადგურებზე და იმ რაოდენობით რაც მითითებულია ხელშეკრულების დანართში (საქონლის მიწოდების გრაფიკი და ადგილი - დანართი N2).

3. ხელშეკრულების ღირებულება

- 3.1. ხელშეკრულების საორიენტაციო ღირებულება შეადგენს შეადგენს 2 376.00 (ორიათასსამას-სამოცდათექვსმეტი) ლარს.

3.2. საწვავის რაოდენობა, სახეობა და ერთეულის ფასი მოცემულია დანართ №1-ში, რომელიც წარმოადგენს ამ ხელშეკრულების განუყოფელ ნაწილს.

3.3. ხელშეკრულების ღირებულება მოიცავს როგორც მისაწოდებელი საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს (გარდა ტრანსპორტირების ხარჯებისა სითხის მიწოდების შემთხვევაში) მათ შორის დღგ-ს და საწვავის შენახვის ხარჯებს ავტოგასამართი სადგურიდან მის გაცემამდე.

4. საქონლის ფასის დაანგარიშების პირობები

4.1 ტენდერში მიმწოდებლის მიერ შეთავაზებული საბოლოო ფასიდან გამოითვლება „Z“ აშშ დოლარში (მიმწოდებლის ნავთობბაზამდე და ავტოგასამართ სადგურებამდე ტრანსპორტირებასთან, ლოჯისტიკასთან და შენახვასთან დაკავშირებული ხარჯები, ზედნადები ხარჯები, საწარმოს მოგება და აქციზი) შემდეგი ფორმულის მეშვეობით:

$$Z=C/(R*(D/1000)*(100\%+18\%)) - P$$

რომელშიც: C - ელექტრონული ვაჭრობის შედეგად დაფიქსირებული საბოლოო ფასი 1 ლიტრ /PPM 10, EURO 4-ის სტანდარტის შესაბამისი/ (ლარში); R - აშშ დოლართან მიმართებაში ლარის ოფიციალური გაცვლითი კურსის 2012 წლის ნოემბრის თვის საშუალო არითმეტიკული; D - გამარჯვებული მიმწოდებლის სატენდერო წინადადებით წარმოდგენილი /PPM 10, EURO 4-ის სტანდარტის შესაბამისი/ სიმკვრივის მაჩვენებელი (გრ/სმ3); 18% - დღგ; P - PLATTS EUROPEAN MARKETSCAN-ის FOB Med (Italy) ბირჟაზე დაფიქსირებული (გამოქვეყნებული) საწვავის ერთი მეტრული ტონის 2012 წლის ნოემბრის თვის საშუალო არითმეტიკული ფასი აშშ დოლარში.

4.2 მიმწოდებლის 1 ლიტრი საწვავის ფასი ყოველი კალენდარული თვისათვის გამოითვლება შემდეგი ფორმულის მეშვეობით:

$$C=R*(P+Z)*(100\%+18\%)*D/1000$$

სადაც: P და R წარმოადგენს წინა კალენდარული თვის შესაბამისი მონაცემების საშუალო არითმეტიკულ სიდიდეს, ხოლო Z და D გამარჯვებულ სატენდერო წინადადებით წარმოდგენილ სიდიდეებს, რომლებიც უცვლელია 2013 წლის 31 დეკემბრის ჩათვლით.

4.3 C-ს ცვლილება შესაძლებელია მხოლოდ R-ის ან/და P-ს ისეთი ცვლილების შემთხვევაში, რომელიც იწვევს C-ს სამი ან მეტი პროცენტული ოდენობით ცვლილებას საწვავის ხელშეკრულებით გათვალისწინებულ ფასთან მიმართებაში. ამასთან, C უნდა იყოს მიმწოდებლის საცალო რეალიზაციის ქსელში ერთი ლიტრი საწვავის მიწოდების კალენდარული თვის განმავლობაში არსებული ფასების საშუალო არითმეტიკულ ოდენობაზე მინიმუმ 10 თეთრით (0,1 ლარი) ნაკლები.

4.4 იმ შემთხვევაში, თუ ხელშეკრულებაში არ მოხდა დამატებითი შეთანხმების სახით C-ს ცვლილების ასახვა, ანგარიშსწორების განხორციელებისას ხელშეკრულების მხარეები ხელმძღვანელობენ მიმწოდებლის ოფიციალურ ვებგვერდზე გამოქვეყნებული შესაბამისი თვის C-ს ოდენობით. C-ს ცვლილების შესახებ ინფორმაცია დაუყოვნებლივ უნდა ეცნობოს კონსოლიდირებული ტენდერის სატენდერო კომისიას (შემდგომში - სატენდერო კომისია).

4.5. მიმწოდებელი ვალდებულია ყოველი თვის პირველ სამუშაო დღეს სატენდერო კომისიას წარუდგინოს P და R და მათ საფუძველზე გამოთვლილი მიმდინარე თვის მისაწოდებელი /PPM 10, EURO 4-ის სტანდარტის შესაბამისი/ 1 ლიტრის ფასი, რომელიც დაუყოვნებლივ უნდა განთავსდეს მიმწოდებლის ოფიციალურ ვებგვერდზე.

4.6. მიმწოდებელმა ასევე ყოველი სამუშაო დღის დასაწყისში უნდა მიაწოდოს სატენდერო კომისიას ინფორმაცია მის საცალო რეალიზაციის ქსელში არსებული 1 ლიტრი /PPM 10, EURO 4-ის სტანდარტის შესაბამისი/ ყოველდღიური ფასის შესახებ ელექტრონული ფოსტის მისამართზე oil2013@spa.gov.ge

5. მხარეთა უფლება-მოვალეობები

5.1. მიმწოდებელი ვალდებულია:

ა) უზრუნველყოს შემსყიდველისათვის საწვავის ტალონების (10 და 20 ლიტრიანი ტალონის ნომინალებით) მიწოდება შემსყიდველის მოთხოვნიდან 5 (ხუთი) სამუშაო დღის განმავლობაში, რის საფუძველზეც დაუყოვნებლივ ფორმდება შესაბამისი მიღება-ჩაბარების აქტი ტალონების გადაცემაზე შემსყიდველის მინდობილობით უფლებამოსილი პირისათვის. (ტალონების გადაცემის შემდეგ მათი დაკარგვის, დაზიანების ან განადგურების რისკი გადადის შემსყიდველზე, ამასთან, უკვე გადაცემული ტალონები არ ექვემდებარება დაბრუნებას ან სხვა სახეობის საწვავის ტალონებზე გადაცვლას);

ბ) შემსყიდველის მიერ ავტოგასამართ სადგურზე საწვავის ტალონის წარდგენისთანავე უზრუნველყოს ავტომანქანის გამართვა შესაბამისი საწვავით (ტალონებით საწვავის გაცემისას ტალონის ნაწილობრივი განადგება ან/და ხურდის დაბრუნება არ დაიშვება).

გ) უზრუნველყოფს 2013 წლის 01 მარტამდე პლასტიკური ბარათის სისტემის დანერგვა (პლასტიკური ბარათების მოხმარების წესები განისაზღვრება დამატებითი დანართით). პლასტიკური ბარათების გაცემის პრიორიტეტულობა შემსყიდველი ორგანიზაციების მიხედვით განისაზღვრება სატენდერო კომისიის მიერ. პლასტიკური ბარათების დანერგვის შემდეგ, საწვავის ტალონის სახით მიწოდება უნდა მოხდეს მხოლოდ გამონაკლის შემთხვევებში, შემსყიდველის მიერ სატენდერო კომისიის თანხმობის წარდგენის შემთხვევაში.

დ) განიხილოს შემსყიდველის პრეტენზიები და მიაწოდოს მოტივირებული წერილობითი პასუხი ყველა საკითხზე;

ე) უზრუნველყოს ამ ხელშეკრულებით მასზე დაკისრებული სხვა ვალდებულებების შესრულება.

5.2. მიმწოდებელი უფლებამოსილია:

ა) შემსყიდველს შეუჩეროს საწვავის მიწოდება, თუ შემსყიდველის მიერ წინამდებარე ხელშეკრულების მე-7 მუხლის 7.2 პუნქტით გათვალისწინებული გადახდის ვადები იქნება დარღვეული.

ბ) უზრუნველყოს საწვავის გაცემა მხოლოდ წინამდებარე ხელშეკრულების დანართით გათვალისწინებულ ავტოგასამართ სადგურებზე.

5.3. შემსყიდველი ვალდებულია:

ა) უზრუნველყოს ხელშეკრულების შესრულების კონტროლი (ინსპექტირება);

ბ) უზრუნველყოს საწვავის მიღება მხოლოდ წინამდებარე ხელშეკრულების დანართით გათვალისწინებულ ავტოგასამართ სადგურებზე.

გ) შეასრულოს ამ ხელშეკრულებით მასზე დაკისრებული სხვა ვალდებულებები.

6. ხელშეკრულების შესრულების კონტროლი

6.1. მიმწოდებელი ვალდებულია საკუთარი ხარჯებით, სატენდერო კომისიისა და მიმწოდებლის მიერ ერთობლივად შერჩეული უფლებამოსილი ლაბორატორიის მეშვეობით, ყოველკვარტალურად, სატენდერო კომისიის მიერ შერჩეული 3 ავტოგასამართი სადგურიდან უზრუნველყოს საწვავის სინჯის აღება და სატენდერო კომისიისა და მიმწოდებელს შორის შეთანხმებული პარამეტრების შემოწმება მათი დადგენილ სტანდარტებთან შესაბამისობის განსაზღვრის მიზნით. სინჯის აღებას უნდა ესწრებოდეს სატენდერო კომისიისა და მიმწოდებლის მიერ უფლებამოსილი პირები, რომელთა თანდასწრებითაც სინჯი დაილუქება და გადაეცემა შესაბამის ლაბორატორიას.

7. ანგარიშსწორება

7.1. ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტებზე.

7.2. შემსყიდველი ორგანიზაცია ვალდებულია მიმწოდებლის მიერ საგადასახადო ანგარიშ-ფაქტურის წარმოდგენიდან 5 სამუშაო დღის ვადაში დაადასტუროს ან უარი თქვას დადასტურებაზე შესაბამისი დასაბუთებით. ანგარიშ-ფაქტურის შემსყიდველი ორგანიზაციის მიერ დადასტურების შემთხვევაში, ანგარიშსწორება მოხდება ყოველთვიურად მიწოდებული საწვავის მიხედვით გამოწერილი საგადასახადო ანგარიშ-ფაქტურის წარმოდგენიდან 10 სამუშაო დღის ვადაში.

8. ხელშეკრულების შესრულების შეფერხება

8.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

8.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს წერილობითი ფორმით.

9. ხელშეკრულების პირობების შეუსრულებლობა

9.1 მიმწოდებლის მიერ კანონმდებლობითა და კონსოლიდირებულ ტენდერში მონაწილეობის შედეგად ნაკისრი ვალდებულებების შეუსრულებლობის ან/და არაჯეროვნად შესრულების შემთხვევაში, შესაბამისი შემსყიდველი ორგანიზაცია მიმართავს სატენდერო კომისიას ხელშეკრულების შეწყვეტის საკითხის გადაწყვეტის მიზნით. გადაწყვეტილების მიღების დროს სატენდერო კომისია ხელმძღვანელობს პროპორციულობის, მიზანშეწონილობისა და თანაზომიერების პრინციპებით.

9.2 სატენდერო კომისიის მიერ ხელშეკრულების შეწყვეტის შესახებ რეკომენდაციის მიღების შემთხვევაში, შემსყიდველი ორგანიზაცია წყვეტს ხელშეკრულებას, რის შედეგად მიმწოდებელს დაეკისრება შემსყიდველი ორგანიზაციის სასარგებლოდ საჯარიმო თანხის გადახდა, რომელიც გამოითვლება შემდეგნაირად: კონსოლიდირებულ ტენდერში ელექტრონული ვაჭრობის დასრულების დღეს გამარჯვებული მიმწოდებლის საცალო რეალიზაციის ქსელში არსებული 1 ლიტრი /PPM 10, EURO 4-ის სტანდარტის შესაბამისი/ ფასისა და ელექტრონული ვაჭრობის შედეგად დაფიქსირებული საბოლოო ფასის სხვაობის გამრავლებით წინამდებარე ხელშეკრულებით შესასყიდი (დარჩენილი) საწვავის საორიენტაციო მოცულობაზე და გაყოფილი ხელშეკრულების მოქმედების ამოწურვამდე დაჩენილი თვეების რაოდენობაზე.

9.3. შემსყიდველის მიერ წინამდებარე ხელშეკრულების 7.2 პუნქტით განსაზღვრული გადახდის ვადის დარღვევისათვის, მიმწოდებლის მოთხოვნის შემთხვევაში, შემსყიდველს დაეკისრება პირგასამტეხლო ყოველ ვადაგადაცილებულ დღეზე გადაუხდელი თანხის 0.01%-ის ოდენობით.

10. ხელშეკრულებაში ცვლილებების შეტანა

10.1. ნებისმიერი ცვლილება წინამდებარე ხელშეკრულებაში განხორციელდება წერილობით, მხოლოდ ორივე მხარის უფლებამოსილი წარმომადგენლის ხელმოწერით.

10.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10.3. ამ ხელშეკრულების 10.1. და 10.2. მუხლით გათვალისწინებული პირობები არ მოიცავს ხელშეკრულების მე-4 მუხლს, ანუ ფასთა ცვლილება არ მოითხოვს რაიმე დამატებითი სახის წერილობითი შეთანხმების გაფორმების ვალდებულებას.

11. ხელშეკრულების შეწყვეტა

11.1. წინამდებარე ხელშეკრულება შეიძლება ვადამდე შეწყდეს:

ა) ორმხრივი წერილობითი შეთანხმებით ნებისმიერ დროს;

ბ) ნებისმიერი მხარის ინიციატივით, ცალმხრივად და მხოლოდ სატენდერო კომისიის თანხმობით თუ მეორე მხარე არ ასრულებს ან არაააჯეროვნად ასრულებს ნაკისრ ვალდებულებებს, რის თაობაზეც მას წერილობით მიეცა გაფრთხილება და დარღვევის გამოსასწორებლად განესაზღვრა დამატებითი ვადა არანაკლებ 5 დღის ოდენობით. ამასთან, დამატებითი ვადა შეიძლება არ მიეცეს, თუკი აშკარაა, რომ მას შედეგი არ ექნება, ან ვალდებულების არაჯეროვნად შესრულების გამო შეწყვეტის ინიციატორ მხარეს ხელშეკრულების საგნისადმი ინტერესი ეკარგება.

11.2. ხელშეკრულების შეწყვეტა (მათ შორის, ვადის გასვლის გამო შეწყვეტა) არ ათავისუფლებს მხარეებს იმ ვალდებულებების შესრულებისაგან, რომლებიც ხელშეკრულების შეწყვეტამდე წარმოიშვა.

11.3. შემსყიდველის ინიციატივით ხელშეკრულების ცალმხრივად შეწყვეტის შემთხვევაში, მიმწოდებელს უფლება არ აქვს მოითხოვოს მიუღებელი შემოსავლისა ან/და ზიანის ანაზღაურება.

12. დავების გადაწყვეტა

12.1 ხელშეკრულების მოქმედების პერიოდში შემსყიდველსა და მიმწოდებელს შორის წარმოშობილი ყველა დავა უნდა გადაიჭრას ურთიერთმოლაპარაკების გზით ან საქართველოს კანონმდებლობით დადგენილი წესით.

13. ხელშეკრულების მოქმედების ვადა

13.1 წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2013 წლის 15 აპრილის ჩათვლით.

14. დაუძლეველი ძალა

14.1. მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

14.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებების შესრულებისაგან. მხარეთა პასუხისმგებლობა და ვალდებულებები განახლდება დაუძლეველი ძალის მოქმედებს დასრულებისთანავე.

14.3. თუ დაუძლეველი ძალის მოქმედება გრძელდება 30 დღეზე მეტ ხანს, მხარეს უფლება აქვს სატენდერო კომისიის თანხმობით ცალმხრივად შეწყვიტოს ხელშეკრულება.

15. სხვა პირობები

ხელშეკრულება შედგენილია ორი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ერთი - შემსყიდველს.

16. მხარეთა რეკვიზიტები:

შემსყიდველი:

ა(ა)იპ ივანე ჯავახიშვილის სახელობის თბილისის
სახელმწიფო უნივერსიტეტი
ს.კ 204864548
ტ: 577 512 888
მის: ქ. თბილისი, ი. ჭავჭავაძის გამზ. #1
საბანკო რეკვიზიტები:
სს ბანკი „რესპუბლიკა“
კოდი REPLGE22
ა.ა GE22BR000000000345634

მიმწოდებელი:

შპს. “რომპეტროლ საქართველო”
ქ, თბილისი. სანაპიროს ქ6
ს/კ 204493002
291 07 27/ 291 07 63
საქართველოს ბანკის ცენტრალური
ფილიალი
ბანკის კოდი BAGAGE22
ანგარიშის ნომერი
GE47BG000000119347600


თსუ ადმინისტრაციის ხელმძღვანელი



COST CENTER HQ00023

Signature

კომერციული დირექტორი



თენგიზ ჭიჭინაძე

COST CENTER HQ00010

Signature

№	საქონლის დასახელება	საქონლის ძირითადი მახასიათებლები	წარმოშობის ქვეყანა	საორიენტაციო რაოდენობა	ერთეულის ფასი	საერთო საორიენტაციო ღირებულება	მიწოდების ადგილი	მიწოდების ვადები
1	Efix euro diesel	PPM 10, EURO 4-ის სტანდარტის შესაბამისი	რუმინეთი	1200 ლიტრებში	1.98	2 376,00 ლარი	ავტოგასამართი სადგურები თანდართული სის მიხედვით	06.03.2013-დან 15.04.2013-მდე

აღმოსავლეთ საქართველო:

თბილისი							
#	ა.გ.ს.	ა.გ.ს. მისამართი	ავტომატი ზაცია	Euro Super	Euro Premium	Euro Regular	Efix Euro Diesel
1	samgori 1	კახეთისგზატკ. მეტროსამგორისმიმდ. ტერიტ.	კო	კო	კო	კო	კო
2	nucubiZe	ნუცუბიძის ქ №1	კო	კო	კო	კო	კო
3	javaxeTi	ჯავახეთის ქ№20	კო	არა	კო	კო	კო
4	hesi	ორთაჭალისსპესისმიმდებარე ტერიტორია	კო	კო	კო	კო	კო
5	გ-პ-ი	სააკაძისმოედანი (ს.ტ.უ - სთან)	კო	კო	კო	კო	კო
6	metexi	300 არაგველის ქ.№1 (მეტეხი)	კო	კო	კო	კო	კო
7	piketi	დღებუაძისა და კვამლისქუჩებისგადაკვეთა	კო	კო	კო	კო	კო
8	gldani	შეშელის ქ.№ 50	კო	კო	კო	კო	კო
9	qavTaraZe	ქავთარაძის ქ № 1ა	კო	კო	კო	კო	კო
10	nacionali	აღმაშენებლისგზატკეცილი 9-ე კილომეტრი	კო	კო	კო	კო	კო
11	didube	დიდუბე, რობაქიძისგამზირი	კო	არა	კო	კო	კო
12	ზ-მ-კ	ბოგდანხმელნიცკის ქ № 48	კო	კო	კო	კო	კო
13	gelovani	გელოვანისგამზ № 36	კო	კო	კო	კო	კო
14	sanzona	გურამიშვილისგამზ 3/8	კო	კო	კო	კო	კო
15	samgori 2	ჯორჯბუშისგამზ. (დასაწყისი)	კო	კო	კო	კო	კო
16	orTaWala 1	გორგასლისგამზ. №115	კო	არა	კო	კო	არა
17	orTaWala 2	გორგასლისგამზ. (რესტ. მარაბდასთან)	კო	არა	კო	კო	არა
18	diRomi 1	აღმაშენებლისხეივანი მე-14 კმ.	კო	კო	კო	კო	კო

აღმოსავლეთის რეგიონები

#	a.g.s.	a.g.s. misamarTi	ავტომატი ზაცია	Euro Super	Euro Premium	Euro Regular	Efix Euro Diesel
19	mcxeTa	მცხეთა, ნარეკვაი	კი	კი	კი	კი	კი
20	nataxtari	მცხეთა, ნატახტარი	კი	კი	კი	კი	კი
21	mcxeTa 1	ფარნაეზის ქ. 6	არა	არა	კი	კი	კი
22	marneuli	მარნეული, 26 მაისის ქ.	კი	არა	კი	კი	კი
23	xaSuri	ხაშური, სტალინის ქ №147	კი	კი	კი	კი	კი
24	gombori	სართიჭალა, კახეთის გზატკ. 27-ე კმ.	არა	არა	კი	კი	კი
25	bakurcixe	გურჯაანი, სოფ. ბაკურციხე	არა	არა	კი	კი	კი
26	rusTavi	რუსთავი, მშენებელთა ქ. №1	კი	კი	კი	კი	კი
27	gori	გორი, სოფ. სვენეთი	არა	კი	კი	კი	კი
28	axalcixe	ახალციხე, თამარაშვილის ქ.	კი	არა	კი	კი	კი
29	Telavi	თელავი, თბილისის გზატკ. ე-4 კმ.	კი	კი	კი	კი	კი
30	axalqalaqi	ახალქალაქი, აღმაშენებლის ქ. №2	არა	არა	კი	კი	კი
31	marneuli 2	აღმაშენებლის ქ.	არა	არა	კი	კი	არა

დასავლეთ საქართველო:

იმერეთი-სამეგრელოს რეგიონი

#	a.g.s.	a.g.s. misamarTi	ავტომატი ზაცია	Euro Super	Euro Premium	Euro Regular	Efix Euro Diesel
32	saCxere	საჩხერე, სოფ. ჩუხა, თამარ მეფის ქ. № 41	კი	კი	კი	კი	კი
33	zestafoni	ზესტაფონი, თამარ მეფის ქ. 48	კი	კი	კი	კი	კი
34	ambrolauri	ამბროლაური, ბრატისლავას/რაჭის ქ. № 18	კი	არა	კი	კი	არა
35	quTaisi	ჭავჭავაძის ქ. № 8ა	კი	კი	კი	კი	კი
36	quTaisi 2	9 aprilis q. 2a	კი	კი	კი	კი	კი
37	quTaisi 3	nikias q.12a	არა	კი	კი	კი	კი
38	qvitiri	ქვიტირი, სოფ. ფარცხანაყანები	კი	კი	კი	კი	კი
39	senaki	სენაკი, მშვიდლობის გამზ. №172	კი	კი	კი	კი	კი
40	zugdidi	ზუგდიდი, სოხუმის ქ. №69	კი	კი	კი	კი	კი
41	zugdidieqs presi	ზუგდიდი, თამარ მეფის ქ. №3	კი	არა	არა	კი	არა

აჭარა-გურიისრეგიონი

#	a.g.s.	a.g.s. misamarTi	ავტომატი ზაცია	Euro Super	Euro Premium	Euro Regular	Efix Euro Diesel
42	ფოთი lanCx uTi	სამეგრელოსმოედანი	კო	კო	კო	კო	კო
43	ozurg eTi	ღანჩუთი, ჟორდანიას ქ.№ 24	კო	კო	კო	კო	კო
44	qobul eTi	ოზურგეთი, დავით აღმაშენებლის ქ. №121	კო	არა	კო	კო	კო
45	Caqvi baTu mi 1	ქობულეთი, რუსთაველის ქ. № 170	კო	კო	კო	კო	კო
46	baTu mi 2	ჩაქვი, თამარ მეფის № 9ა	კო	კო	კო	კო	კო
47	baTu mi 3	ბათუმისხახულის ქ № 8	კო	კო	კო	კო	კო
48	xelva Cauri	ბათუმი, სოფ. ანგისა	კო	კო	კო	კო	კო
49		გორგილადისგამზ. №90	კო	კო	კო	კო	კო
50		ხელვაჩაური	კო	არა	კო	კო	კო

ინფორმაცია ინტერესთა კონფლიქტის შესახებ

6 მარტი 2013 წელი

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, ქვემოთ ჩამოთვლილი თითოეული პირი ხელის მოწერით ადასტურებს, რომ არ იმყოფება ინტერესთა კონფლიქტში მიმწოდებელთან შპს „რომპეტროლ საქართველო“

თსუ ადმინისტრაციის ხელმძღვანელი



დ. ჩომახიძე

თსუ საფინანსო დეპარტამენტის უფროსი




ო. ხალარეიშვილი

თსუ იურიდიული დეპარტამენტის უფროსი



ა. კუკულავა

თსუ შესყიდვების განყოფილების უფროსი




ს. სანაძე

მატერიალური რესურსების მართვის
დეპარტამენტის ავტოფარეხის უფროსი



ო. გოგიტაშვილი

თსუ შესყიდვების განყოფილების
მთავარი სპეციალისტი



დ. კოპალეიშვილი